

# Paano Ko Pakigbagayan ang Akon mga Utod?

“Padayon nga batasa ninyo ang isa kag isa kag magpinatawaray kamo sing kinabubut-on bisan pa ang isa may rason nga magreklamo sa isa.”—Colosas 3:13.

Importante gid nga matun-an mo kon paano magsolbar sing mga problema kag maayo gid nga magsugod ka sa imo pamilya. Paagi sa mga pamangkot sa ubos, hibalua, analisaha, kag solbara ang problema ninyo sang imo utod.



## HIBALUA ANG PROBLEMA

Sin-o sa imo mga utod ang pirme mo kontra?

---

Ano pirme ang ginahalinan sang inyo away?

---

Paano ini nagaumpisa?

*Ang akon utod . . . (isulat kon ano ang iya ginahimo)*

---

*gani . . . (isulat ang imo reaksion)*

---

*dayon . . . (isulat ang resulta)*

---



## ANALISAHA ANG PROBLEMA

### ANG GINASILING SANG BIBLIA:

'Pangitaa ninyo indi lamang ang inyo personal nga kaayuhan, kundi ang iya man sang iban.' (Filipos 2:4) Sa bulig sini nga teksto, ibutang ang imo kaugalingon sa lugar sang imo utod.

Ano ayhan ang ginapamensar sang imo utod sang nag-away kamo?

---

---

---

Kon pamangkuton ang imo utod kon ano ang *imo* naamot sa problema, ano ayhan ang iya isabat?

---

---

---

Base sa ginsabat sang imo utod, ngaa sa banta mo may punto man sia?

---

---

---

## SOLBARA ANG PROBLEMA



Maistoryahan bala ninyo ini ukon may isa bala nga puede magpaumod sa inyo? Kon may ara, ano ang puede himuon?

---

---

---

Sa sunod, ano ang puede *mo* himuon para ang inyo pag-sungguranay indi magresulta sa pag-inaway?

---

---

---



Kon mag-inaway kamo liwat, diin sa sini nga mga prinsipio ang mahimo mo sundon?

- ☐ “Maghigugmaanay kamo sing hanuot halin sa tagipusuon.”  
—1 Pedro 1:22.
- ☐ “Ipakita sa tanan nga tawo ang inyo pagkamakatarunganon.”  
—Filipos 4:5.
- ☐ “Indi ka mangakig dayon, kay ang nagapangakig dayon tanda sang isa ka buangbuang.”—Manugwali 7:9, footnote.
- ☐ “Ang pagsugod sang away kaangay sa pagbukas sang buhangang; gani antes magsugod ang baisay, maghalin ka na.”—Hulubaton 17:14.
- ☐ “Kon wala sing gatong, mapatay ang kalayo, kag kon wala sing nagakutsokutso, mauntat ang pag-ilinaway.”—Hulubaton 26:20.
- ☐ “Ngaa ginatalupangod mo ang dagami sa mata sang imo utod, apang wala mo ginatalupangod ang balayan sa imo mata?”  
—Mateo 7:3.

Dayon, isulat ang isa ka butang nga nanamian mo gid sa imo utod.

## MGA PRINSIPIO SANG BIBLIA

# ANO ANG PUEDE *MO* HIMUON?

## ANG GINASILING SANG BIBLIA:

“Ang paghambal nga wala ginahunahuna sing maayo kaangay sang buno sang espada.”—Hulubaton 12:18.

“Sang dugay nga naospital si Papa, nabudlayan ako magbisita sa iya kay indi ako kabalo magdrayb. Ginsilingan ko ang akon magulang nga gusto ko magkuha sang lisensia. Pero nagsiling sia nga wala sia sing tion nga tudluan ako sa pagdrayb. Ginpaathag ko sa iya kon ngaa kinahanglan ko gid ini, pero daw sa wala lang sa iya. Naakig gid ako. Ginsilingan ko sia nga daw wala lang sia labot nga indi ako kabisita kay Papa kag wala gid niya ginaintiende ang akon ginabatyag. Naakig gid sia sa akon. Nagsinggitanay kami. Ginsilingan ko sia nga wala sia sing konsiderasyon sa akon kag nagbalos man sia.”—*Karina*.

Kon ikaw si Karina, ano ang himuon *mo* sa sini nga sitwasyon?

---

---

---

**ANG GINHIMO NI KARINA:** “Pagkaaga nag-istoryahanay kami ni Manong. Nangayo sia pasaylo sa pagpangakig kag ginsugid niya sa akon kon daw ano kadamo sang iya responsibilidad. Wala 'ko kabalo nga kadamo gid gali sang dapat niya asikasuhon. Sang nabal-an ko ini, nangayo man 'ko pasaylo kay gindugangan ko pa ang iya problema. Maayo man ang akon intension, pero indi lang sa husto nga tion.”

